



REPUBLIKA E SHQIPËRISË

KUVENDI

Komisioni për Ekonominë dhe Financat

Tiranë, më 20.11.2018

Dokument parlamentar

(Komisioni përgjegjës)

R A P O R T

PËR

SHQYRTIMIN NË PARIM TË PROJEKTLIGJIT “PËR DISA SHTESA DHE NDRYSHIME NË LIGJIN NR.61/2012, “PËR AKCIZAT NË REPUBLIKËN E SHQIPËRISË”, TË NDRYSHUAR”

I. Hyrje

Komisioni për Ekonominë dhe Financat, në cilësinë e komisionit përgjegjës, në mbledhjet datave 6.11.2018; 8.11.2018 dhe 20.11.2018, mori në shqyrtim në parim, projektligjin “Për disa shtesa dhe ndryshime në ligjin nr.61/2012, “Për akcizat në Republikën e Shqipërisë”, të ndryshuar”, bazuar në nenet 32-38 dhe 78-84 të Rregullores së Kuvendit.

Ky projektligj është pjesë e Paketës Fiskale së bashku me projektligjet e tjera financiare që shoqërojnë projektligjin “Për Buxhetin e vitit 2019”.

Për shqyrtimin e këtij projektligji u caktua relator Z. Ervin Bushati.

Në mbledhjet e Komisionit për të prezantuar projektligjin dhe për t’iu përgjigjur pyetjeve të deputetëve, ishin të pranishëm Ministri i Financave dhe Ekonomisë dhe përfaqësues të tjerë të lartë të kësaj ministrie.

II. Baza ligjore Kushtetuese

Projektligji është propozuar nga Këshilli i Ministrave në përputhje me nenet 81, pika 1 dhe 100 të Kushtetutës së Republikës së Shqipërisë. Ai bazohet në nenet 78, 83 pika 1 dhe 155, të Kushtetutës dhe shoqërohet me relacionin përkatës sipas nenit 68, të Rregullores së Kuvendit.

III. Qëllimi dhe përmbajtja e projektligjit

Projektligji “Për disa shtesa dhe ndryshime në ligjin nr.61/2012, “Për akcizat në Republikën e Shqipërisë”, të ndryshuar, sjell një përmirësim të mënyrës së administrimit dhe kontrollit të disa produkteve specifike të akcizës, mundëson përfshirjen në këtë gamë produktesh të artikujve të rinj që hidhen për herë të parë në treg, qartëson dhe plotëson boshllëqet lidhur me klasifikimin e disa lloje shkeljesh, lehtëson masën e penaliteteve si dhe unifikon disa nivele akcize duke sjelle një afrim të shkallës së përafrimit edhe me Direktivën e BE-së 2011/64.

Projektligji “Për disa shtesa dhe ndryshime në ligjin nr.61/2012, “Për akcizat në Republikën e Shqipërisë”, të ndryshuar, propozon konkretisht sa më poshtë:

- Në nenin 1 të tij, parashikohet saktësimi i mënyrës së aplikimit të pullave fiskale, për duhanin e “grirë”, duke përcaktuar vendosjen e pullës së akcizës poshtë qeses së ambalazhit për çështje sigurie fiskale, ndërsa në nenin 2, parashikohet shtimi në listën e duhanit dhe nënprodukteve të tij edhe të kodit 2403 9090 të Nomenklaturës së Kombinuar të Mallrave, që i përket duhanit me ngrohje, produkt ky që do të shtohet në listën e produkteve që paguajnë akcizë, për shkak të specifikave të tij.
- Në nenin 3 dhe 6 të projektligjit, shtohen në llojin e shkeljeve, të gjitha, shkeljet e kryera në qarkullimin e pullave fiskale, gjatë procesit të porositjes, prodhimit dhe lëvizjes së tyre si dhe përcaktohet masa e penaltetit në rastin e tepricave ose mangësive të konstatuara në porositje, prodhim dhe lëvizjen e pullave të akcizës.
- Nenet 4 dhe 7 të projektligjit, parashikojnë ndryshimin e mënyrës së përllogaritjes së penaliteteve, duke marrë për bazë në përllogaritjen e tyre, vetëm detyrimin e akcizës dhe jo detyrimet fiskale në tërësi për produktin e duke sjellë kështu një ulje të masës së penaltetit.
- Në nenin 5 të projektligjit, bëhet një ndryshim në nenin 90, pika 6 shkronja “ç”, të ligjit bazë, që trajton tepricat ose mangësitë në magazinën fiskale dhe në qarkullimin e produkteve që i nënshtrohen akcizës, duke hequr si shkelje konceptin e “tentativës”.

Projektligji sjell gjithashtu edhe ndryshime në shtojcës 1, pjesë e ligjit bazë, që përfaqëson listën e mallrave të tatueshme me akcizë në Republikën e Shqipërisë, si më poshtë:

1. Heqjen nga lista e mallrave të akcizës të artikujve “fishekzjarre”, “llamba” dhe “pilat/bateritë”, me nivel të akcizës respektivisht në masën 200 lekë/kg dhe 100 lekë copa.
2. Ndryshimin e nivelit të akcizës për produktin e “duhanit të grirë”, “purot”, “cigarillos dhe cigaret me zëvendësues duhani”, nga 4400 lekë/kg që është aktualisht në masën 6000 lekë/kg. Ndryshimi ka për qëllim barazimin e nivelit të taksimit të produkteve të kësaj kategorie me kategorinë “Cigare që përmbajnë duhan”, duke e çuar nivelin e akcizës në masë të njëjtë me kalendarin e taksimit të cigareve më 1 janar 2019. Ky unifikim çon gjithashtu drejt përafrimit të mëtejshëm me Direktivën e BE 2011/64.

Gjithashtu lidhur me duhanin e përpunuar, vijon politika mbështetëse për prodhimin vendas e vendosur në vitin 2016, duke lënë të pandryshuar nivelin e akcizës në masën 2 500 lekë/kg për duhanin e prodhuar brenda vendit me gjethe të duhanit nga bimë të kultivuara në Shqipëri, ndërsa po i njëjti produkt i importuar është parashikuar të ketë akcizën në masën 6 000 lekë/kg.

3. Në kategorinë e produkteve të duhanit, shtohet një produkt i ri “duhan me ngrohje”, produkt ky si cigarja, por që konsumohet vetëm nëpërmjet një aparati të prodhuar posaçërisht për të. Ky produkt klasifikohet në kodin 2403 90 90 të kreut 2403 të Nomenklaturës së Kombinuar të Mallrave, aty ku përfshihen “Duhan tjetër i përpunuar dhe zëvendësuesit e përpunuar të duhanit, duhan i “homogjenizuar” apo i “rindërtuar”, ekstrakte dhe esenca prej duhanit” dhe për këtë arsye edhe për këtë produkt niveli i akcizës propozohet në masën 6000 lekë/kg, pra unifikohet.
4. Propozohet heqja nga lista e produkteve të akcizës të “rërës bituminoze” e cila aktualisht është me akcizë në masën 2 lekë/kg, pasi vlerësohet se ajo nuk mundet të përdoret si lëndë djegëse. Ndërkohë propozohet shtimi si produkt akcize i “zhavorrit bituminoz”, për shkak të përdorimit të tij të zgjeruar kohët e fundit si lëndë djegëse zëvendësuese në industrinë e prodhimit të tullave e të çimentos.
5. Së fundmi, projektligji propozon edhe saktësimin e metodës së përlllogaritjes së akcizës për produktin “nikotin lëng” që shërben për mbushjen e cigareve elektronike duke taksuar vetëm produktin të zhveshur nga ambalazhi.

IV. Efekti Financiar

Ndryshimet e propozuara kanë një efekt pozitiv në Buxhetin e Shtetit, në masën 144 milion lekë.

V. Shqyrtimi i projektligjit në komision.

Relatori i Komisionit, në fjalën e tij, bëri një prezantim të detajuar të gjithë risive dhe parashikimeve konkrete që sjell projektligji. Ai vlerësoi efektet pozitive që ky projektligj sjell,

lidhur me administrimin dhe kontrollin e disa produkteve specifike të akcizës, siç është duhani i grirë. Gjithashtu, relatori vlerësoi edhe politikën e ndjekur për unifikimin e nivelit të akcizës së duhanit duke barazuar nivelin e taksimit të produkteve të kësaj kategorie në masë të njëjtë me kalendarin e taksimit të cigareve më 1 janar 2019. Ndërkohë për duhanin me ngrohje si një produkt që do të futet në treg për herë të pare, u kërkuan shpjegime lidhur aplikimin e njësisë matëse të nevojshme për qëllime taksimi (në kg apo në fije).

Në komision diskutimet u fokusuan kryesisht lidhur me heqjen nga shtojca 1, si produkte me akcizë të “fishekzjarrëve”, “llambave” dhe rërës bituminoze, me mundësinë rishikimit të politikës ndaj llampave led. Gjithashtu anëtarët e komisionit diskutuan edhe mbi arsyet apo nevojën për përfshirjen si produkt akcize të “zhavorrit bituminoz”, llojin e lëndës djegëse që ai zëvendëson, shkallën e përdorimit të tij në industri, nivelin e akcizës së propozuar për të.

Në përfundim, Komisioni për Ekonominë dhe Financat, duke e vlerësuar se ndryshimet e propozuara mundësojnë përmirësimin e administrimit të pullave të akcizës në gjithë fokusin e veprimtarisë, unifikimin dhe krijimin e kushteve të njëjta për të gjithë operatorët e akcizës dhe kanë një impakt pozitiv në Buxhetin e Shtetit, e miratoi në parim projektligjin, me votat pro të gjithë anëtarëve të pranishëm në mbledhje.

RELATOR

Ervin BUSHATI

KRYETAR

Erjon BRAÇE



REPUBLIKA E SHQIPËRISË

KUVENDI I SHQIPËRISË
Komisioni për Ekonominë dhe Financat

Tiranë më 27.11.2018

Dokument parlamentar

RAPORT

**PËR PROJEKTLIGJIN “PËR DISA SHTESA DHE NDRYSHIME NË LIGJIN
NR.61/2012, “PËR AKCIZAT NË REPUBLIKËN E SHQIPËRISË”, TË
NDRYSHUAR”
(shqyrtimi nen për nen dhe në tërësi)**

Komisioni për Ekonominë dhe Financat, në cilësinë e komisionit përgjegjës, në mbledhjet e datave 26 dhe 27 nëntor 2017, shqyrtoi nen për nen dhe në tërësi projektligjin “Për disa shtesa dhe ndryshime në ligjin nr.61/2012, “Për akcizat në Republikën e Shqipërisë”, të ndryshuar. Projektligji është pjesë e paketës së projektligjeve financiare që shoqërojnë projektbuxhetin 2019.

Shqyrtimi nen për nen dhe në tërësi u zhvillua pas miratimit në parim të këtij projektligji në seancën plenare të datës 22 nëntor 2017. Komisioni për Ekonominë dhe Financat e shqyrtoi këtë projektligj bazuar në nenet 32-38 si dhe nenet 80 dhe 83 të Rregullores së Kuvendit.

Në mbledhjen e Komisionit të datës 26 nëntor ishin të pranishëm përfaqësues nga shoqatat e biznesit si Dhoma e Tregtisë dhe Industrisë Tiranë, Dhoma Amerikane e Tregtisë, Dhoma Italiane e Tregtisë në Shqipëri, Dhoma Gjermane e Tregtisë dhe Industrisë në Shqipëri dhe Biznes Albania. Ndërsa, në mbledhjen e datës 27 nëntor ishin të pranishëm Ministri i Financave dhe përfaqësues të tjerë të lartë të kësaj ministrie.

Ndryshimet dhe shtesat kryesore të propozuara nga Këshilli i Ministrave, synojnë të përmirësojnë mënyrën e administrimit dhe kontrollit të disa produkteve specifike të akcizës, të plotësojnë mangësitë e evidentuara në klasifikimin e disa lloje shkeljesh si dhe unifikojnë nivelin e akcizës për disa mallra, në përputhje me Direktivën e BE-së 2011/64. Konkretisht:

- Saktësimi i mënyrës së aplikimit të pullave fiskale, për duhanin e “grirë”, duke përcaktuar vendosjen e pullës së akcizës poshtë qeses së ambalazhit për çështje sigurie fiskale dhe shtimi në listën e duhanit dhe nënprodukteve të tij edhe të kodit 2403 9090 të Nomenklaturës së Kombinuar të Mallrave, që i përket duhanit me ngrohje.
- Përfshirja në kategorinë e shkeljeve, edhe të shkeljeve të kryera në qarkullimin e pullave fiskale, gjatë procesit të porositjes dhe lëvizjes së tyre si dhe përcaktimin e masës së penaliteteve në rastin e tepërcave ose mangësive të konstatuara të pullave të akcizës.
- Ndryshimin e mënyrës së përlllogaritjes së penaliteteve, duke marrë për bazë në përlllogaritjen e tyre, vetëm detyrimin e akcizës dhe jo detyrimet fiskale në tërësi për produktin e duke sjellë kështu një ulje të masës së penalitetit.
- Heqjen nga lista e mallrave të akcizës të artikujve “llamba” dhe “pilat/bateritë”, me nivel të akcizës respektivisht në masën 200 lekë/kg dhe 100 lekë copa.
- Ndryshimin e nivelit të akcizës për produktin e “duhanit të grirë”, “purot”, “cigarillos dhe cigaret me zëvendësues duhani”, nga 4400 lekë/kg që është aktualisht në masën 6000 lekë/kg dhe vijimin e politikës mbështetëse për prodhimin vendas, të vendosur në vitin 2016, duke lënë të pandryshuar nivelin e akcizës në masën 2 500 lekë/kg për duhanin e prodhuar brenda vendit me gjethe të duhanit nga bimë të kultivuara në Shqipëri, ndërsa po i njëjti produkt i importuar është parashikuar të ketë akcizën në masën 6 000 lekë/kg.
- Heqja nga lista e produkteve të akcizës të “rërës bituminoze” e cila aktualisht është me akcizë në masën 2 lekë/kg dhe shtimi si produkt akcize i “zhavorrit bituminoz”, për shkak të përdorimit të tij të zgjeruar kohët e fundit si lëndë djegëse zëvendësuese në industrinë e prodhimit të tullave e të çimentos.

Ndryshimet e propozuara parashikohet të kenë një efekt pozitiv në buxhet në masën 144 milion lekë.

Gjatë diskutimeve në Komision përfaqësues të shoqatave të biznesit shprehën shqetësimin e tyre në lidhje me vendosjen e akcizës prej 1 lekë/kg për zhavorrin bituminoz duke argumentuar që kjo përbën rreth 32% të çmimit të produktit dhe kjo rritje do të bëjë që fabrikat e çimentove që janë përdorues të zhavorrit bituminoz të drejtohen drejt produkteve të tjera.

Në përfundim të mbledhjes, Komisioni mbasi mori në shqyrtim edhe raportet e Komisionit për Veprimtarinë, Prodhuese, Tregtinë dhe Mjedisin dhe Komisionit për Integrimin Europian, e miratoi projektligjin nën për nën dhe në tërësi me votat pro të të gjithë anëtarëve të pranishëm në mbledhje, me ndryshimet e mëposhtme:

- Pas nenit 2, shtohet një nen i ri, me këtë përmbajtje:

“Neni 2/1

Neni 80/1 ndryshohet si vijon:

Importimi dhe prodhimi i letrës së cigareve në formën e broshurave apo të tubave, që përfshihen në kodin 4813 1000, të filtrit të cigares, që përfshihet në kodin 4823 dhe 5601 të Nomenklaturës së Kombinuar të Mallrave, kryhet vetëm nga subjektet grumbullues-përpunues të duhanit, të pajisur me linja me cikël të plotë përpunimi dhe paketimi për tregtim, të cilët disponojnë autorizim depozitues i miratuar magazine fiskale prodhimi.

Përveç kushteve të përgjithshme të pajisjes me autorizim magazinë fiskale prodhimi, sipas nenit 20, të ligjit, kushtet specifike, që duhet të përmbushin subjektet përcaktohen me udhëzim nga Drejtoria e Përgjithshme e Doganave.”

- *Në nenin 3, pika 3, fjalët “...prodhimi...” hiqen.*
- *Neni 6, riformulohet me këtë përmbajtje:*

“Neni 6

Pas nenit 94, shtohet neni 94/1, si më poshtë vijon:

“Neni 94/1

Shkeljet në qarkullimin e pullave fiskale

Tepricat ose mangësitë në pullat fiskale mbi 2% të konstatuara gjatë kontrollit të operatorëve ekonomik, në rastet kur nuk janë depozitues të miratuar, përbëjnë kundërvajtje administrative dhe ndëshkohen me gjobë sa 3-fishi i detyrimeve të akcizës, që duheshin paguar si për produktet e akcizës të konvertuara në sasi të përkatëse.”

- Shtojca 1, që i bashkëlidhet projektligjit zëvendësohet me shtojcën 1, që i bashkëlidhet këtij raporti.

RELATOR

KRYETARI

Ervin BUSHATI

Erjon BRAÇE

MALLRAT E TATUESHME ME AKCIZË NË REPUBLIKËN E SHQIPËRISË

Kategoria	Kodi NK	Përshkrimi	Shkalla taksimit
I KAFE			
C100 Kafe e papjekur	09 01 11 00 09 01 12 00	Kafe jo e pjekur e dekafeinizuar ose jo	0
C200 Kafe e Pjekur	09 01 21 00 09 01 22 00	Kafe e pjekur e dekafeinizuar ose jo	60 lekë/kg
C300 Lëkura, lëvoret zëvendësuesit e kafesë	09 01 90	Lëkura dhe lëvoret e kafesë. Zëvendësuesit e kafesë që përmbajnë kafe	50 lekë/kg
C900 Ekstrakte, esenca, koncentre kafeje dhe përgatitje prej tyre	21 01 11 00 21 01 12 92 21 01 12 98	Ekstrakte, esenca, koncentre kafeje dhe përgatitje prej tyre (neskafe etj.)	250 lekë/kg kafe
II BIRRË, VERË, ALKOOL DHE PIJE ALKOOLIKE			
B000 Birra	22 03	Birrë e bërë nga malto: -nga prodhues vendas e të huaj, ligjërishit dhe ekonomikisht të pavarur, me sasi më të vogël se 200 000 HL në vit: Nga prodhues vendas e të huaj, ligjërishit dhe ekonomikisht të pavarur, me sasi më të madhe se 200 000 HL në vit	360 lekë/HL/ shkallë alkoolometrike 710 lekë/HL / shkallë alkoolometrike
W200 Vera e qetë dhe pijet e qeta të fermentuara	22 04 21 22 04 29 22 04 30 22 04 30 10 22 04 30 96 22 04 30 98 22 05 10 10 22 05 90 10 22 06 00 10 22 06 00 59 22 06 00 89	Verë e qetë dhe musht rrushi; Vermuth e verëra të tjera të përgatitura nga bimë ose substanca aromatizuese; Pije të tjera të fermentuara (p.sh. musht molle, musht dardhe, hydromel); përzierje të pijeve të fermentuara dhe përzierje të pijeve të fermentuara dhe pijeve joalkoolike të pagazuara. - nga prodhues vendas e të huaj me sasi ≤ 10 000 hektolitër/vit - nga prodhues vendas e të huaj me sasi > 10 000 hektolitër/vit	-3 000 lekë/HL për verërat me forcë alkoolike deri në 12,5 gradë dhe 4 000 lekë/HL për verërat me forcë alkoolike mbi 12,5 gradë -10 000 lekë/HL për verërat me forcë alkoolike deri në 12,5 gradë dhe 12 000 lekë/HL për verërat me forcë alkoolike mbi 12,5 gradë
W300 Vera spumante, Shampanjadhepijete	22 04 10 22 04 21 06 22 04 21 07	Verërat spumante, Shampanja; Verë ndryshe nga ato të nënkreut 220410, në shishe me tapa	5 200 lekë/HL

fermentuara dhe të gazuara	22 04 21 08 22 04 21 09 22 05 10 10 22 05 90 10 22 06 00 39 22 06 00 31 22 06 00 51 22 06 00 81	“kërpudhë” që lidhet me mbërthyes apo tela; verë e ndërtuar ndryshe me një presion të pranueshëm në sajë të dyoksidit të karbonit. Vermuth e verëra të tjera të përgatitura nga bimë ose substanca aromatizuese të një force alkoolike ndaj volumit prej 18% apo më pak. Pije të tjera të fermentuara (p.sh. musht molle, musht dardhe, hydromel); përzierje të pijeve të fermentuara dhe përzierjet e pijeve të fermentuara dhe pijeve joalkoolike të gazuara. Cider dhe cider dardhe me	3120 lekë/HL
I000 Pijet alkoolike tëndërmjetme	22 04 21 85 22 04 21 86 22 04 21 87 22 04 21 88 22 04 21 89 22 04 21 90 22 04 21 91 22 04 21 93 22 04 21 94 22 04 21 95 22 04 21 96 22 04 21 97 22 04 21 98 22 04 29 85 22 04 29 86 22 04 29 87 22 04 29 88 22 04 29 89 22 04 29 90 22 04 29 91 22 04 29 93 22 04 29 94 22 04 29 95 22 04 29 96 22 04 29 97 22 04 29 98 22 05 10 10 22 05 10 90 22 05 90 10 22 05 90 90 22 06 00 10 22 06 00 39	Pijet alkoolike të ndërmjetme me njëforcë alkooli mbi 15% volum por qënuk e kalon 22% volum; Sipas përcaktimeve të nenit 74 tëligjit.	5 200 lekë/HL
S200 Pijealkoolike(Spirituos Beverages)	22042192 22042193 22042194 22042195 22042196 22042197 22042198	Pije alkoolike; të përfituara nga distilimi i verës së rrushit apo të bërsve të rrushit, Ëhisky, Rum dhe të tjera pije të përfituara nga distilimi i produkteve të fermentuara nga kallami i sheqerit, Gin dhe Geneva, Vodka, likere dhe	65 000 lekë për HL alkool anhidër

	22042992 22042993	tonike, Uzo. - nga prodhues vendas e të huaj me sasi < = 20 000 hektolitër/vit	
--	----------------------	--	--

	22042994 22042995 22042996 22042997 22042998 22051090 22059090 22060010 22060039 22060059 22060089 22082012 22082014 22082026 22082027 22082029 22082040 22082062 22082064 22082086 22082087 22082089 22083011 22083019 22083030 22083041 22083049 22083061 22083069 22083071 22083079 22083082 22083088 22084011 22084031 22084039 22084051 22084091 22084099 22085011 22085019 22085091 22085099 22086011 22086019 22086091 22086099 22087010	- nga prodhues vendas e të huaj me sasi >20 000 hektolitër/vit	84 500 lekë për HL alkool anhidër
--	---	---	--------------------------------------

	22087090 22089011 22089019 22089033 22089038 22089041 22089045 22089048 22089052 22089054 22089056 22089069 22089071 22089075 22089077 22089078		
S300 Alkooli etilik jo i denatyrar	22071000 22089091 22089099	Alkool etilik jo i denatyrar i një force alkoolike ndaj volumit prej 80% volum apo më shumë	45 000 lekë për HL alkool anhidër
S400 Alkool etilik i denatyrar	22072000	Alkool etilik i denatyrar	0 (zero)
S400 Rakia sipas përcaktimeve të nenit 66 të ligjit	22082029	Raki	20 000 lekë për HL alkool anhidër
S500 Produkte të tjera që përmbajnë alkool etilik	Kapitujt 17 deri 22 të NK	Të gjitha produktet që kanë një shkallë alkoolometrike efektive mbi 1,2% ndaj volumit dhe pavarësisht klasifikimit në sistemin NK, sipas nenit 64 të ligjit	45 000 lekë për HL alkool anhidër
III DUHAN DHE NËNPRODUKTET E TËJ			
T300 Puro dhe cigarillos	24 02 10 00	Puro dhe cigarillos që përmbajnë duhan	6000lekë/kg
T200 Cigare që përmbajnë duhan	24 02 20	Cigare që përmbajnë duhan	5550 lekë/1000 fije Më 1 janar 2018 5850 lekë/1000 fije Më 1 janar 2019 6000 lekë/1000 fije Më 1 janar 2020 6250 lekë/1000 fije Më 1 janar 2021 6500 lekë/1000 fije
T500 Puro, cigarillos dhe cigare me zëvendësues duhani	24 02 90	Puro,cigarillosdhecigareme zëvendësues duhani	6000 lekë/kg

T400 Duhan tjetër i përpunuar dhe zëvendësuesit e duhanit	24 03	Duhan tjetër i përpunuar dhe zëvendësuesit e duhanit, duhan i homogjenizuar ose i rindërtuar, ekstrakte dhe esenca prejduhani Duhan i përpunuar me gjethe duhanitë kultivuara në Shqipëri	6000 lekë/kg 2500 lekë/kg
T401 Nikotinë lëng për mbushjen e cigareve elektronike, të përcaktuara në kode 85 43 70 90, të përdorura për krijimin e një procesi tymosje	38 24 99 56 38 24 99 57	Nikotinë lëng për mbushjen e cigareve elektronike, të përcaktuara në kode 85 43 70 90, të përdorura për krijimin e një procesi tymosje	10 lekë/ml të totalit të litrave brenda ambalazhit
T402 Duhan me ngrohje	24 03 90 90	Duhan me ngrohje, produkte duhani të riformuar dhe me substanca të tjera, që konsumohen nga një proces ngrohje nëpërmjet një aparati elektronik për ngrohje duhani	6000 lekë/kg
IV PRODUKTET ENERGJETIKE			
E200 Vajrat vegjetale dhe shtazore të klasifikuara në krerët 1507 deri 1518 të NK nëse përdoren për ngrohje apo motorë	1507 deri 1518	Vajrat dhe dhjamërat prej kafshëve apo vegjetale dhe produktet prej tyre	Sipas përcaktimeve të neneve 50 e 51 të ligjit

E300 Vajra minerale	27071010 27071090 27072010 27072090 27073010 27073090 27075010 27075090	Produktet e vajrave minerale që i përketin kodeve NK të kreut 2707	50 lekë/litri
E400	27 10 12 11	Naftë që kërkohet për proces specifik përpunimi	50 lekë/litri
E410	27 10 12 41 27 19 12 45 27 10 12 49	Vajra të lehta (benzinë dhe benzol) Benzinë dhe benzol pa plumb, me përmbajtje plumbi jo më tepër se 0,013 gr/litër Me më pak se 95 oktan Me 95-98 oktan Me 98 e më shumë oktan	37 lekë/litri

E420	27 10 12 51 27 10 12 59	Benzinë me plumb, me përmbajtje plumbi më tepër se 0,013 gr/litër Me më pak se 98 oktan Me 98 e më shumë oktan	50 lekë/litri
E430	27 10 19 11 deri 27 10 19 29 27 10 19 21 deri 27 10 19 25	Vajguret Karburantet, tip vajguri	20 lekë/litri 20 lekë/litri
E440	27 10 19 31 deri 27 10 19 48	Vajra të rënda (gazoil)	37 lekë/litri
E450	27 10 19 51 deri 27 10 19 69	Vajra të rënda si lëndë djegëse (lëndëdjegëse, solar, mazut)	37 lekë/kg
E460	2710 20	Biodiesel me vajra nafte	37 lekë/kg
E470	27 10 19 71 deri 27 10 19 99	Vajra lubrifikante dhe vajra të tjera	40 lekë/kg
E471	27 109 100 deri 27109900	Mbetje vajrash	5 lekë/kg
E472	27 12 10 90	Graso	40 lekë/kg
E480	27 13 11 00 27 13 12 00	Koks nafte	2 lekë/kg
E490	27 13 20 00	Bitum nafte	5 lekë/kg
E490	27 13 90	Mbetje të vajrave të naftës dhe të mineraleve bituminoze (bitumen)	5 lekë/kg
E491	27 15	Përzierje bituminoze të bazuara në asfaltin natyror, në bitumen e naftës, në katranin mineral, ose në terpentinën e katranit mineral (masticet bituminoze) Vernik Bituminoz (psh asfalto-beton)	5 lekë/kg bitum
E492	27 14 90 00	Zhavorr Bituminoz	0.3 lekë/kg
E500	27111211 27111219 27111291 27111293 27111294 27111297 27111310 27111330 27111391 27111397 27111400	Gazet e naftës dhe hidrokarbure të tjera gazoike për përdorim si lëndë djegëse për motor automjetesh.	8 lekë/litri

E501 Gazetenaftës dhe hidrokarburet të tjera gazoike	27111211 27111219 27111291 27111293 27111294 27111297 27111310 27111330 27111391 27111397 27111400	Gazet e naftës dhe hidrokarbure të tjera gazoike për përdorim të ndryshëm nga ai si lëndë djegëse për motor automjesh.	0 lekë/litri
E600 Hidrokarburet aciklike	2901	Hidrokarburet aciklike	37 lekë/kg
E700 Hidrokarburet ciklike	2902	Hidrokarburet ciklike	37 lekë/kg
E800 Metanol (Alkooli metilik)	29051100	Metanol (Alkooli metilik)	Sipas përcaktimeve të neneve 50 e 51 të ligjit
L000	34 03 19 10 34 03 99 00	Preparate për lubrifikimin e makinerive, pajisjeve dhe automjeteve	40 lekë/kg
L000 Preparatet antiplasëse, frenues oksidimi; Alkibenzenet e përziera	3811 dhe 3817	Preparatet antiplasëse, frenues oksidimi, stabilizator rrëshire, përmirësues viskoziteti, kundër korrozionit, dhe elemente shtesë të përgatitura për vajrat minerale (përfshirë benzinën) apo lëngje të tjera të përdorura për qëllime të tjera si vajrat minerale Alkibenzenet e përziera dhe Alkinaftalenet e përziera	Sipas përcaktimeve të neneve 50 e 51 të ligjit
E920 Biodiezel	3826 00	Acidet yndyrore /Biodiezel me më pak se 70% vajra naftë të kapitullit 27	37 lekë/litri
V FISHEKZJARRËT			
F000 Fishekzjarrët	36 04 10 00	Fishekzjarrët	200 lekë/kg
F000	36 04 90 00	Të tjera	200 lekë/kg
VI GOMAT			
P100 Goma të reja	40 11	Goma të reja pneumatike prej gome	20 lekë/kg
P200 Goma të riveshura	40 12 (përveç 40 12 20 00)	Goma pneumatike të riveshura; goma mishi apo të zakonshme; veshja e jashtme (pjesa me lule) dhe fashetat e gomës	40 lekë/kg
P300 Goma të përdorura	40 12 20 00	Goma pneumatike të përdorura	100 lekë/kg
VII PILAT DHE BATERITË PRIMARE; AKUMULATORËT ELEKTRIKË			

A200 Akumulatorët	85 07	Akumulatorët elektrikë, përfshirë ndarëset e tyre, nëse janë apo jo drejtkëndëshe (përfshirë katrorët)	20 lekë/kg
----------------------	-------	--	------------